

《無量壽經優婆提舍願生偈》 補充講表

◎附表十五：以下糅合《往生論註》

○四者彼於十方一切世界：偈言：「何等世界無佛法功德寶，我願皆往生，示佛法如佛」故。

◆上三句雖言遍至。皆是有佛國土。若無此句。便是法身有所不法。上善有所不善。

○此三種成就，願心莊嚴，應知。（糅合《往生論註》）

◆應知者，應知此三種莊嚴成就，由本四十八願等清淨願心之所莊嚴。因淨故果淨，非無因、他因有也。

○略說入一法句故。一法句者，謂清淨句。清淨句者，謂真實智慧，無為法身故。

◆此三句展轉相入，依何義名之為法？以清淨故。依何義名為清淨？以真實智慧，無為法身故。（以下糅合《彌陀要解講義》）

△法身：又名真如、佛性、如來藏、法界、法性、實相等。可分為二：

一、自性清淨法身（性德法身）：即眾生本源自性天真佛。人人本具，不假修成。

二、離垢妙極法身（修德法身）：即如來修德究竟所成佛。此身唯佛果方有。

◆真實智慧者，實相智慧也。實相無相，故真智無知也。無為法身者，法性身也。法性寂滅，故法身無相也。無相故能無不相，是故相好莊嚴，即法身也。無知故能無不知，是故一切種智，即真實智慧也。以真實而目智慧，明智慧非作非非作也。以無為而標法身，明法身非色非非色也。非於非者，豈非非之能是乎！蓋無非之曰是也，自是無待夫非是也。非是非非，百非之所不喻，是故言清淨句。清淨句者，謂真實智慧，無為法身也。

※《占察善惡業報經義疏》云：「當知眾生現前一念心體，即是諸佛所證究竟法身，絕待真常，不可為喻；但由煩惱自覆，有而不知，故不得已，須設眾喻。欲明舉體隨緣，則喻以如金鑄十界像，仍恐迷者謂有造作，謂有分劑；欲明對至即現，則喻以如鏡寫妍醜容。」

△實相無二，亦無不二（無不從此法界流，無不還歸此法界）。

※《徹悟禪師語錄》云：「從本源心性，流出種種般若淨土法門；而種種般若淨土法門，皆悉指歸本源心性。所謂無不從此法界流，無不還歸此法界也。」

※《佛說阿彌陀經要解》云：「實相無二，亦無不二。是故舉體作依作正，作法作報，作自作他。乃至能說所說，能度所度，能信所信，能願所願，能持所持，能生所生，能讚所讚，無非實相正印之所印也。」

※《大乘起信論裂網疏》卷第五云：「問：但離心垢，便見法身，何須念佛、觀佛、稱名、禮拜等？答：佛是先證我心性者，念之、觀之、稱之、禮之，皆是除心垢之妙方便也。」

※《彌陀要解》云：「當知離卻現前一念無量光壽之心，何處有阿彌陀名號（西方依正莊嚴）；而離卻阿彌陀名號（西方依正莊嚴），何由徹證現前一念無量光壽之心。願深思之！願深思之！」

※蓮池大師於《彌陀疏鈔》云：「託彼名號（西方依正），顯我自心。」